

EW NAMOPUNG

A forata Itenap 2 ngeni ewe Pukenapen Annukun Chuuk, a forata annukun choon angang, me pwan ren ekkoch popun.

Epwe Pung me ren ewe Annepungun Chuuk pwe:

Tetten 1. Forutan. Itenap 2 iei a pwan kapachenong non ewe pukenapen Annukun Chuuk, epwe iei usun ititin kapasas:

"Itenap 2. Annukun chon angang non Chuuk.

Sopun

1. Annukunap
2. Pekin Chon Angang
3. An Choon Angang Rights me Benefits
4. Apungu Chon Angang me Apwonueta Puung
5. Koot Sefaan

Sopun 1. Annukunap

Tetten

100. Awewen Foos
101. Forutan
102. Pochokun
103. Pinepinen Fin Faniten Kaan
104. Annuk
105. Tupun Chon Angang
106. Pinepinen Angang Fan Iten Raaw
107. Etipetip Mi Ngaw
108. Tipis

Tetten 100. Awewen Foos. Ren fan iten ei Itenap ekkei awewen foos a tettenitiw fan epwe auonam:

- (1) "agency" a wewe ngeni ew authority ika ew pekin me non ewe Muun State an Chuuk ika ew keangen pekin me non ewe Muun Chuuk, ese pwan nifinifin ika mei nom non ika fen ew pekin epwe pwan nenengen sefani (review);
- (2) "authority" a wewe ngeni pekin angang ika mwiiich mei imuno fan an pochokun, a foruta me ren Annuk an epwe

wisan ani ew angang ika fori ew pochokun
esap pwan wor an ewe ofesin Kepina pochokun
an epwe rifu-ni me cheki;

- (3) "benefit" a wewe ngeni tufich, feioch, monien,
niwin, kirikiroch ika sakkun napanap mei efisata
me awora pwapwa me feioch ika napanap fan iten
tufichin manawen inis me feffeitan nonomum aramas;
- (4) "board" aweve ngeni pekin angang mei foruta fan
pungun annuk ika ren fan iten och popun an we fori
ika wiseni amwokutu an angang fan iten ewe tupuni
non met pochokunan ewe muu a wisen mwokutukut faan;
- (5) "commission" a wewe ngeni board ika committee mei
foruta fan pungun annuk an epwe fori ekkoch pekin
angang mei ani ekkoch pochokun fan iten ew muu;
- (6) "employee" aweve ngeni emon aramas a finita non
fansoun nangatam ika non chok fansoun mwochomwoch
ren fan iten an epwe ani ekkoch angang fan iten
ewe Muun Chuuk, ika fan iten ese nifinifin keangen
ewe muu ew an kewe pekin, an board, committee, ika
ew kinikisiitiwan kewe;
- (7) "officer" a wewe ngeni emon aramas a finita ngeni
ew wiis me ren ewe Kepina; me
- (8) "public employment" angangen muun a wewe ngeni ew
wiis ew neni ika angang e foruta ika mumuta an epwe
kawor ren fan asengesin mwokutukut ochun ewe Muun
Chuuk, ika keangen kewe, ika ew pekin kewe ika an
kewe boards, commissions ese pwan pachenong ekkewe
wis finien ewe Kepina chon wis non me ekkewe sou-
kapungun ewe court non Chuuk ika ew kinikinin non
ewe muun.

Tetten 101. Forutan. Meinsin angangen muun epwe nomw fan
pochokunen ei itenap, Esap wor nifinifin, eimumu, me oput aramas
ika sakkun napanapangaw ngeni chon angang pokiten an emon mwan
ika fefin, mei nipich ika pupunu, an newo, an namanam, an famini,

an eterenges ika einang, me pwan meni pekin non ewe muu
echiiechie ngeni. Meinsin aramas repwe chok nonopook nupwen
fansoun kut angang me katonong non angang, iteiten fansoun mei-
nisiin met ewe epwe akkaewin awonam nupwen katonongen chon angang
epwe tufichin ewe aramas ngeni ewe wis e ammasou ngeni nge esap
pwan anongonong won an emon met, ika mei nipich ika pupunu. Esapw
wor och sakkun napanap ika pwe a fis akkomw iwe ewe aramas epwe
ar non ewe angang ren pwonen apochokuna me tipeew ngeni epwe member
non labor group, ika etipewin civil right.

Tetten 102. Authority. Ew executive agency me meinsin
keangen, putai me pekin pwan pachenong meinsin agency, authority,
board commission ika kinikinitiwani ewe Muun Chuuk mei tongeni
atononga non angang chon angang mei namot ren ar angang repwe
for fan pungun annuk, nge esap wor angangen muun epwe mumuta
me nukun met angang me wis mei aukukuno me non moni mei foruno
non annuk ren fan iten mwokutukutun ewe muu. Ika emon aramas a
finita ngeni ew wis ika kutanong non ew angang monien esemwo
wor ika esemwo fen kawor me ren annuk, iwe ewe aramas esap angei
niwinin esap pwan angei ekkewe sakkun tufich, niffang me
feioch mei kawor fan pungun ei itenap.

Tetten 103. Pinepinen Fin. Epwe atai annuk an epwe fis
ew finin chon ani wis ika atononga chon angang non angangen muun
ika pwe e anongonong won pekin, raw, mefien family ika aterenges.

Tetten 104. Aukuk. Meinsin chon angang repwe katonong,
anomwatiw, kekita, tipis me tou epwe anongonong won pungun foffor
me punguoch. Aukuk ren ew me ew wis, angang me neni epwe foruno
non annuk ika me ren annuk seni Kepina.

Tetten 105. Tupun Chon Angang. Meinsin chon angang,
emon me emon ika mwicheich epwe wor ar right(pung) ren awora
me atoura mefier won met mi weneitir ren niwinir, aukukur non
wiseer, me napanapan non ar angang. Esapw wor emon epwe choni
mwich seni napanapan echimw fanasengesin ewe mwich epwe tupuni
chon angang.

Tetten 106. Pinepinen Angang Fan Iten Raaw. Esap wor chon angang epwe echimw ika nomw fan pochokun an epwe fori och angang, ika epwe wor tungor ngeni ren an epwe pwan fiti mwokutukutun ika aninis non angangen och angang ren fan asengesin ew pekin raw non ewe muu, me ren noun we pocs ika chon nemenem, ika me ren pusin chiechien chon angang. Esapw wor chon angang epwe ani ika mut ngeni an fansoun angang, ika och pisekin me mettochun ew muu ren fan iten angangen me mwokutukutun och pekin raaw non ewe muu, chiinon chok nupwen mei wesen affatetiwi me mumuta me ren annuk.

Tetten 107. Etipetip mi Mwan. Epwe atai annuk ren an emon aramas epwe satuni ren etipetipa ika fen etipetipa kefinitan ika katonongen emon non angangen muun, me nukun ewe ururun epwe anongonong won tufichin me an tongeni. Epwe pwan atai annuk ren an esap affat non an emon chon angangen muun personnel file pwe mei wor angangen etipetipa finitaan ewe chon angang ngeni wisan we.

Tetten 108. Tipisin. Ioon a tipis ren an atai pungun Tetten 103, 106 ika 107 me non ei Sopun, ika Tetten 309 non Sopun 3 non ei Itenap atun an tipis epwe kanapus non imwen kanapus non aukukun esap nangatam seni 3 ier ika pakking won ukukun esap nap seni \$5,000 ika fen me ruuoch.

Sopun 2. Pekin Chon Angang.

Tetten

200. Tumun/Nemenem

201. An Chon Angang Files

Tetten 200. Tununun/Nemenemen. Ei itenap epwe nomw fan tumunuwen me nemenemen ew putai epwe finita pwan atoot me ren ewe Kepina. Ei putai epwe ani sakkun pochokun mei namot me auchea ren fan asengesin amwokutun me fisiochun ei Itenap, epwe pwan pusin fori sakkun annuk meinisin mei namot me auchea an epwe for ren fan iten apochokunan ei Sopun.

Tetten 201. An Choon Angang Files. Meinisin chon angang me ekkewe mei fetan ngeni ar repwe pwan katonong epwe wor

ar files epwe nom non ei putai epwe anomw non nour taropwe
ren application me ekkewe popun ra amasowa ren, meinisin nour
evaluation ren porausen napanapen ar fori angangen wiser
kewe aukukun niwinir, ewe wis re nom non, tichikin porausen
me napanapen ewe wis ika angang, me pwan sakkun poraus meinisin
mei namot me auchea ngeni porausen ewe angangen muun. Ei file
epwe moneta fansoun meinisin ngeni ewe pusin chon angang ika
pwan ngeni ion aramas nupwen mei wor tungorun.

Sopun 3. Rights me Benefits (Pung me Namotan)

Tetten:

300. Tettenin me kinikinin chon angang
301. Niwin
302. Anapanapen angang
303. Forsefanin niwin
304. Namotameno non angang
305. Leave
306. Insurance
307. Retire
308. Feiengawen non Angang
309. Pinepinen Angang Fan Asengesin Pwisin Inisin
310. Tipisin
311. Napanapen Osukosuken Chon Angang

Tetten 300. Tettenin me kinikinin chon angang. Meinisin
chon angangen muun repwe tettenitiw me kinikinitiw non ekkei
tetten:

- (1) Nouwiis mei kefinita
- (2) Chon contract
- (3) Neni mei permenen
- (4) Neni mei temporeri
- (5) Neni mei emerchensi

Tetten 301. Niwin. Chiinon chok ika mei affatetiw non
annuk, meinisin niwin epwe for non aukukun niwinin ew me ew
wis, neni, ika angang non muun. Ekkei aukuk epwe affatetiw
aukukun me fan pwan aukukun me asan ren ewe niwin fan iten ewe

angangen muun. Ekkei aukuk epwe pwan tongeni ekkesiwin ika for sefan fiti chok met auchean non ewe fansoun, nge esap muttir seni murin iteiten unungat ier.

Tetten 302. Usun Napanapen ewe Angang. Emon me emon chon angang epwe wor ren kapin porausen napanapen an we angang me mwen an epwe poputa angang non an we angang. Ei napanapen ewe angang epwe affatetiwi wisen me pochokunan ewe chon angang me ukukun niwinin we e poputa won.

Tetten 303. Forsefanin Niwin. Epwe for annuk ren forsefanin niwin ren fan asengesin ekkei popun:

(1) amwet ren angangeoch epwe nom non ewe epwe pwarata pwe mei wor angangeoch me fisiochun angang me ren ewe chon angang mei fat me non noun ewe pos ika meinap taropwen mwokutun an emon me emon angang;

(2) overtime, angang nepwin me angang non fansoun asoso ren holiday me apungu chon angang, ekkei epwe anongonong me fiti met annuk mei wor a affat; me

(3) katoun chon angang pokiten naafengawen budget.

Tetten 304. Namotameno non angang. Emon me emon chon angang mi wor an pochokun an epwe nomweno ika kamochuno an we angang nupwen mei pwano pwe mei angangeoch pwan wor an tufich ne fori angangen wisen we. Annuk epwe kawor me foruta ren fan iten an emon chon angang pung me pochokun an epwe kamochuno ika nomwetameno ren non an we angang; nge esap wor chon angang epwe tufichin nomwetameno ika kamochuntameno an we angang pokiten seni an kon watte ierin non we angang ika tekia an we aukukun niwin mei akangei.

Tetten 305. Leave. Annuk (regulations) fan asengesin namotan annual, sick me administrative leave ren chon angang epwe for.

Tetten 306. Insurance. Ewe Kepina ika ioon we a wisen tupuni mumu ngeni an epwe for are affor ika fori atipeew ngeni ese nifinifin insurance company ren fan iten kaworen insurance ngeni chon angang nupwen mei auchea me namot.

Tetten 307. Retire. Ewe Kepina ika ioon tupun, epwe wisen fori me amonata ren an ewe Legislature epwe apungano, ew retire program

ren fan asengesi chon angang.

Tetten 308. Feiengaw non Angang. Feiengaw non angang ika feiengaw a fis seni mwokutukutun ewe wis ika angang epwe an ewe muun sekining ren meinisin. Meinisin angang sefeeni ewe feiengaw me niwinin moon ewe feiengaw esap nap seni engon percentin unusen niwinin ewe choon angang non nimu ier epwe kamou seni ewe monienapen ewe muun. Ren niwinin ewe feiengaw non pekin insurance, ewe Kepina epwe wisen fori affor me etipeew won ren katouun ewe niwin ngeni meni insurance company mei weneiti.

Tetten 309. Pinepinen An Emon Angang Fan Asengesi Pusin I. Epwe atai annuk ren an emon chon angang epwe aea an we fansoun angang epwe ika eaea och pisekin ewe muun ne fori och sakkun mettoch ika angang ese men wenengeni fan iten ewe muu ika pungun mwokutun wisan, ofes, nenien me an angang.

Tetten 310. Tipisin. Fansoun emon a tipis ren an atai pungun ese nifinifin Tetten me non ei Itenap, chinonon chok me non ei Sopun, tipisin epwe kanopus non ukukun esap nangatam seni one maram ika paking won ukukun esap nap seni \$1,000, ika ir me ruu.

Tetten 311. Napanapen Osukosuken Chon Angang. Emon me emon chon angang mei wor ren ewe pung, an epwe akurang fan asengesi napanapen me nonomun non an angang. Esap wor och napanapen apungu epwe for fan asengesi emon chon angang atun an aea an we pung, ren an akurang ika osukosuk. Annuk (Regulation) epwe for ren afata ew napanapochun arongorong fan asengesi ewe osukosuk ren ewe chon angang.

Sopun 4. Apungu Choon Angang me Amweta Pung.

Tetten:

- 400. Apungu Choon Angang
- 401. Pochokunen Apungun
- 402. Wisen io epwe repotei
- 403. Tipisin ese repotei
- 404. Amweta Pung

Tetten 400. Apungu Choon Angang. Kapungun choon angang epwe ikei masowen; esinei ngeni akkom, asoso seni wisan,

katurutiw seni wisan we, me tou seni wisan. Ekkoch sakkun napanapen apungu choon angang mei tongeni foruta me ren annuk.

Tetten 401. Pochokunen Apungu. Ewe pochokunen apungu foforuun non angang epwe nomw ren ewe Kepina, ekkewe meinapen putai, me ekkewe supervisors mei mumuta ngeni. Annuk epwe wisen affata napanapen an epwe fis me for kapungun ewe choon angang.

Tetten 402. Wisen io epwe repotei. Epwe wisen emon me emon choon angang an epwe repotei taan annuk ren an sinei ew foforun atai annuk nge ese repotei. Nge esap wor och non ei Tetten epwe apochokuna an emon epwe repotei met mi nomw non tettenin mwonomwonun ren nefinen io me io ese pwan atai annuk an tettenin mwonomwonun ren nefinen io me io ese pwan atai annuk an epwe mwonomwon.

Tetten 403. Tipisin Ese Repotei. Kapungun fofor epwe fis won emon ewe repotei taan annuk mei sinei. Fiti mochenin me memnef seni ewe Kepina, meinapen putai, ika ion supervisors mei are mumuta an fori kapungun atai annuk non court me tongeni fis ngeni emon chon angang ren ei sakkun napanap. Nupwen a tipis ren an ese repot ika ren an atai pungun Tetten 402, tipisin epwe kanapus non ukukun esap nakatam seni 90 ran non imwen kanopus, ika paking won ukukun esap nap seni \$600.00 ika ir me ruoch.

Tetten 404. Amweta Pung. Emon me emon choon angang mei wor an puung ika right an epwe amweta pung ren met pungun an kapungun foffor mei katou ese tipew ngeni usun met mi affat non Tetten 405 me non ei Annuk. Napanapen amweten puung epwe for seni annuk.

Tetten 405. Arongorong won Apungu Chon Angang. Meinishin chon angang mi nom rer ewe pung ren ew arongorong (kapung) fansoun ewe foffor ren apungu chon angang a efisata turutiw seni wisan, tou seni wisan me asoso seni wisan nge ese chuen peiof ren a fen nap seni engon(10) ran a fisi ngeni. Ew Board epwe kefinita ren unumon chon epwe: emon finien ewe Meinapen Putai (Director) emon finien ewe chon angang, iwe ewe aunumonun seni me ruopek. Ei board epwe eani (fori) ewe arongorong iwe ngeni Kepina mefian ren an epwe apunguano pungun. Epwe pung an Kepina

esapw pinei an emon chon angang pung (right) an epwe tongeni
amweta ngeni kapung.

Sopun 5. Koot Sefaan.

Tetten:

500. Kootun Atootsefan

501. Pung (Rights)

502. Sososopono


Tetten 500. Kootun Atootsefan. Nupwen ewe Kepina, ewe
Legislature ika meinapen soukapungun ewe State Court, a kuna murin
an chosani, pwe mei fakkun auchea an epwe wor atootsefan non
ewe muu iwe a fori ewe napanapen ootootsefan, nge meinisin chon
angang epwe kuur ika efeiengawer ar repwe sinei ika epwe wor
esinesin ngenir non taropwe esapw mang seni 30 ran me mwen epwe
titino ren Legislature ewe anapanapen atootsefan.

Tetten 501. Pung (Rights). Meinisin choon angang epwe wor
ar pung (right) ne atononga me awora ar memmef me mwochen won ewe
attottsefan non ewe muu. Esap wor chon angang epwe nom fan echimw,
afangafang, ika wor angangen etipetip ngeni ren an esap fori pocho-
kunen an we puung ren awora pusin mefian won ewe atootsefan. Esapw
pwan wor emon choon angang epwe atorngeni kapung pwan emon chon
angang pokiten an fori pochokunan an we puung an epwe awora pokiten
an fori pochokunan an we puung an epwe awora pusin mefian won ewe
atootsefan.

Tetten 502. Sososopono. Meinisin annukunap me annukukis
epwe sososopono pochokuner nupwen fansoun a poputa ewe atootsefan
ika fansoun a fis ewe atootsefan usun chok ar pochokun nupwen
esemwo poputa pochokunan ewe ottootsefan, chinon chok ika mei
wesewesen affatetiwi non annuk pwe esap ika resap."

Tetten 2. Poputan Pochokunan. Ei Namopung epwe poputa pochokunan
fansoun a kapunguno me ren ewe Kepina, ika an a pusin winiti annuk, inamwo
ika ese pwan kapunguno.

Sain seni:


Tadashi C. Wainit, Speaker
Legislature of the State of Truk

Twinin maram:


Albert

Albert

Clerk/Secretary

Legislature of the State of Truk

A kapunguno seni:



Erhart Aten, Kepina
Truk State Government

Pwinin maram:

